

TOHAKTIYOTIKHAK



Toninagiktokhak

NTI-kot TOHAKATITIYUT TAKHIYONIK 2026-MI NONAVUT UBLOANI SKETONIK NONAKULO AOLAGOTINIK AMOYAOKMATA

(August 18-mi 2026-mi – Ikalokni, Nonavumi) Nonavut Tungavik Timeoyok (NTI) koveahoktut tohaktitiyamikni takhiyonik 2026-mi Nonavut Ubloani Siketunik Nonakolo Aolagotunik (ATV) amoyaoyonik.

Nonavumi Inoet ilaoyotikaktut Nonavumi Agikatigegunmi ilaopkaktitaoginaktut amoyaoyukhani takhiyagani ataohikmik malgukni taktakhakni atoni nonagiyaoyomi: atet Expedition Sport 900 ACE-guyut siketut uvalunet TRX520FM1T Foreman-guyut ATV-nik. Amohiyotini atokhimayut koyaginak amohiyotimik. Takhinahoagut manikhaktitaoyok Nikikatealikiyini Ukeoktaktomi kantami Agonahoaktinut Ikayutunik Aetuheakvikmit.

Takhiyut okakotaoyut nonagiyamikni Nonalikni Kivgaktoktinik Atangoyanik, pipkaeneaktut takhiyaoyonik makpigagunik okakvigiyalaligeaganilo taktakhat tikitpata.

Tamaeta takhiyut pipkagaoneaktut ayikotanik Nonavut Ubloani Takhiyut Maligoakhaenik. Maligoakhat okaotaoyut toniyaolaliktut. Piyageakakat, takhiyut apigiyoaneakut pipkaeyagani notaonikhanik okavikhamik hivonikhiyunmik.

Siketut ATV-lu tikilvikhaet alagayut atoni nonagiyaoyoni. Ilaolalnigut, akyaktaoniginiklo, atoknikaktolo kanoginikhaet piyotit taktani, ihoakotilo takhipkaktaoyut “taemaenigni” ahigokat aketomik ihoakhalimagitok ihomaluknaelimagitat NTI-kot.

Takhiyut pineaktulo Notamik Akahotimik Hivonikhiyotikhamik Okaohikmik (NVIS) Neovigaoniganilo Naonaepkotimik (BOS).

NTI-kot akhukhaeyut tamaenik Nonavumi Inoet Nonatakataoyonik togaktakvigiyatik notaonikhaoligeagani kigovakpalagitagani hivonikhami titiakhanik takhiyakhaniklunet.

Notaguktigeagani totaktakvikhat, okakvigiyavat NTI-koni Ilaoyolikiyit ikayoktiget uvani 1-888-236-5400-mi uvalunet enrolment@tunngavik.com -mi tamale atigiyat, NTI-koni Nonatakataoyotiknik Nahaota, notagukhimayoklo titigakakvikut togaktakvet. Ikayoktiget kigoagut naetomik titigakhakakneagonakhiyut piyageakakat.

Koanakonaktok tamaeta 2026-mi takhiyut!

Tohagakhaliykiyit Okavikhat

Annie Thomlinson

Hivolikhokti Tohaomayotilikiyini

Nonavut Tungavik Timeoyomi

Kagitaoyakut Titikilvea: Media@tunngavik.com -mi